

LEEDS KU SOO DHAWOW

Waa tilmaan-bixiye ku saabsan sida uu habka waxbarashada u shaqeeyo

Leeds ku soo dhawow. Haddii aad halkan joogeyso muddo gaaban ama muddo dheerba waxa aan kuu rajeyneynaa in uu waqtiga aad magaaladayada dhex joogto ahaado mid kuu amaan ah oo aad ka hesho.

Leeds waxa ay hoy u tahay dad badan oo ka kala yimid dhaqno, wadaniyado iyo caqiidooyin kala duwan, waxa ayna leedahay dhaqan waqti fog soo socday oo ay ku soo dhaweyneyso dadka ka kala yimid wadamo kala duwan oo doonaya in ay nolol cusub halkan ka bilowdaan.

Waxaa dhici karta in aadan la socon habka waxbarashada wadankayaga gudihiisa ka socota haddii aad tahay qof dhawaan uun yimid gudaha Boqortooyada Midowday (United Kingdom).

Buug-yarahan waxa uu ku siinayaa wax wargelin aasaasi ah oo ku saabsan sida uu u shaqeeyo habka waxbarashada Ingiriiska, iyo dadka ay tahay in aad la xiriirto haddii wax dheerasad ah u baahato.

Waxbarashada gudaha Leeds taal

Waxa aan rabnaa in ay dhamaan carruurta gudaha Leeds ku sugan ay helaan dugsyo (iskuulo) wanaagsan, oo si joogto ahna hore u mar u sameynaya. Waxa aan rabnaa in uu ilmo walba uu ogaado in la soo dhaweynayo lana qiimeynayo. Dugsiyada Leeds ku dhex yaal waxa ay isku xil-saareen dhiirrigelinta sinaanta la xiriirta isirka, labka iyo dhediga, caqiidada iyo laxaad la'aanta.

Waxbarashada Leeds (Education Leeds) waa hey'ada ka mas'uulka ah xiriirinta waxbarashada gudaha magaalada laga helo iyo taageerada dugsiyada, carruurta iyo waalidiinta si ujeedooyinkan la higsanayo u noqdaan kuwo la hanan karo.

Waxbarashada waa lacag la isagama qaado oo bilaashbaa looga helaa dugsiyada dowlada ee loogu talloagalay dadka da'yarta ah ilaa ay ka gaaraan da'da 19 sano jirka, wax kasta oo ay xaaladaada socdaalka tahayba. Marka gudaha Leeds la joogo, waa sida meelaha kale ee UK ka tirsanba wada yihiin ee, carruurta waxaa la geyn doonaa gudaha fasal ay dhigtaan carruur ay da' ahaan isku dhow yihiin.

Waxbarashada Qasabka ah

Waxbarasho wanaagsan waxa ay ilmahaaga ku caawin doontaa helitaanka aqoon iyo isku kalsooni qani ah, oo ku dhalisa wax qabsasho, farxada iyo nolol wax ku guuleysi leh. Taas ayaa ugu wacan sababta waxbarashada qasabka ugu tahay dhamaan carruurta ay da'dooda u dhexeyso shan sano jirka ilaa 16 sano jirka.

Adiga ayaa ka mas'uul ah habsiimada in uu ilmahaaga si joogto ah u tago dugsiyiisa (iskuulkiisa). Haddii ay wax dhibaatooyin ah kaaga imaanayaan ilmahaaga oo dugsiyiisa si joogto ah u taga, waa in aad la xiriirtaa dugsiya ama hey'ada Waxbarashada Leeds, kuwaas oo awoodi doona in ku caawinaan.

Taageerada Luqad ahaaneed

Waxa ay luqada ilmahaaga ku hadlaan tahayba, waxa aan isku xil-saarney sidii aan ku siin laheyn waxbarashada ugu wanaagsan ee suurtoogalka ah.

Dugsigaaga ayaa ilmahaaga ku caawin doona barashada af Ingiriiska, waxa uuna siin doonaa taageero kale oo waxbarashadooda loogu talloagalay.

Waxbarashada loogu talloagalay carruurta ay da'doodu afar jirka ka hooseyso

Waxbarashada loogu talloagalay carruurta ay da'doodu afar jirka ka hooseyso qasab ma aha, laakiin waxaa jira adeegyo tirro ah oo cunugaaga ama ilmahaaga da' yarta ah kuugu daneynaya waqtiga maalintii ah. Qaar kuwan ka mid ah waxaa maamulaha Dowlada Hoose (Hey'ada Degaanka) oo waa kuwo oo aan lacag lagaaga qaadeynin oo aad bilaash ku heyso. Qaar kale oo adeegyada sanadaha hore ah waa kuwo ay dad gaar u maamushaan oo inta badan waa wax lacag lagaaga qaadayo oo qaali ah.

Haddii aad u baahan tahay wargelin dheeraad ah oo ku saabsan waxbarashada carruurta ay da'dooda afar jirka ka hooseyso, fadlan la xiriir Adeega Wargelinta Carruurta ee Leeds (Children's Information Service) oo laga helo 0113 247 4386.

Dugsiyada Hoose

Dugsiyada Hoose waxa ay bixiyaan waxbarsho loogu talloagalay carruurta ay da'doodu tahay afar ilaa 11 sano jirka. Dugsiyada hoose intooda badan waa yar-yar yihiin oo caadi ahaan waxa ay ahaanayaan dugsiyo hoose oo fogaansho aad u lugayn karto u jira halka aad deggan tahay. Dhamaan dugsiyada hoose ee dowlada ee gudaha Leeds ku yaal waxaa loogu talloagalay wiilasha iyo gabdhahaba in ay wada dhigtaan.

Carruurta Leeds deggan intooda badan waxa ay dhigtaan dugsi hoose laga soo bilaabo goorta ay afar jirka noqdaan, oo ah marka ay fasalka risebshinka (soo dhaweynta) galayaan. Araajida fasalka risebshinka waa in la soo qortaa sanad ka hor inta aan la gaarin goortii uu ilmaha dugsiya bilaabi lahaa. Haddii aad wargelin dheeraad ah u baahan tahay, fadlan la xiriir kooxda dugsi ku qoridda (admissions team) oo laga helo 0113 247 5729.

Dugsiyada Sare

Dugsiyada Sare waxa ay wax baraan dadka da' yarta ah ee ay da'dooda u dhexeyso 11 iyo 19 sano jirka. Carruurta dugsiya waa ay ka bixi karaan marka ay 16 sano jir gaaraan, laakiin waxaa kale oo ay awoodi karaan in ay waxbarashada lacag la'aan ku sii wataan ilaa ay 19 sano ka gaaraan. Dugsiyada sare intooda badan waxaa loogu talloagalay in ay wiilasha iyo gabdhaba wada dhigtaan, inkasta oo uu goobta Leeds ah ku yaal hal dugsi oo ay ardayda dhigata ay dhamaan gabdho wada yihiin.

Carruurta Leeds deggan intooda badan waxa ay dhigtaan dugsi sare laga soo bilaabo goorta ay 11 sano jirka noqdaan. Araajida fasalka risebshinka waa in la soo qortaa sanad ka hor inta aan la gaarin goortii uu ilmaha dugsiya bilaabi lahaa. Haddii aad wargelin dheeraad ah u baahan tahay, fadlan la xiriir kooxda dugsi ku qoridda (admissions team) oo laga helo 0113 247 5729.

Yunifoomka Dugsiga (School uniform)

Dugsiyada Leeds ku yaal intooda badan waxa ay rabaan in ay dugsileyda iyo ardayda xirtaan yunifoomka dugsiga leeyahay. Hubi in aad ogaato waxa uu yahay yunifoomka dugsiga aad dooneyso in ay ilmahaaga kuu dhigtaan.

Waxaa dhici karta in aan kaalmo heli karto haddii aadan awoodin in aad ilmahaaga u soo gado yunifoomka dugsiga. Haddii aad la tallin iyo wargelin dheeraad ah u baahan tahay, fadlan la xiriir Adeega Kaalmooyinka Leeds (Benefits Service) oo laga helo 0845 127 0113.

Quudka Dugsiga (School meals)

Dugsiyada oo dhan waxa ay bixiyaan quud waqtiga qadada ah la cuno oo loogu talloagalay ardayda aan awoodin in ay qadadooda soo qaataan ama guriugooda qado u aadaan. Waxaa dhici karta in uu ilmahaaga xaq u leeyahay in uu dugsiga ka helo quud aan lacag looga qaadin oo uu bilaash ku helo. Haddii aad la tallin iyo wargelin dheeraad ah u baahan tahay, fadlan la xiriir Adeega Kaalmooyinka Leeds (Benefits Service) oo laga helo 0845 127 0113.

Waxa ilmahaaga la bari doono

Dugsiyada oo dhan waa ku waajib in dhamaan carruurta ay da'dooda tahay shan ilaa 14 sano jir maamdooyinka kala ah xisaab, af Ingiriis, seynis, taariikh, juqraafi, tiknooloojiyo (farsamo), miyuusik, farshaxan iyo waxbarshada jismi ahaaneed (calcaabta). Waxa ay carruurta ay da'dooda tahay 11 ilaa 16 dooran karaan luqad casri ah oo ay waxbarashada ku darsadaan.

Carruurtaada si joogto ah ayaa tijaabooyin loogu sameyn doonaa inta ay socdaan sanadaha waxbarashadooda si ay macallimiinta u qiimeyn karaan heerka uu gaarsiisan yahay wanaaga waxbarashadooda. Waxaa jira imtixaano muhiimad qaas ah oo laga qaado marka ay 16 jirka iyo 18 jirka yihiin. Haddii aad dooneyso in uu ilmahaaga u sii gudbo dhigashada jaamacad, kooleej ama uu shaqo wanaagsan helo, waa muhiim in uu guul wanaagsan ka gaaro imtixaanaadkan.

Dugsi Xulashada

Waa in aad la xiriirtaa kooxda dugsi ku qoridda (admissions team) ee ka tirsan hey'da Leeds Education si aad uga hesho wargelin ku saabsan sida aad u xulan laheyd dugsi uu ilmahaaga dhigto. Si aad wargelin iyo la tallin uga hesho, waxa aad kuwan ka wici kartaa teleefoonka ah 0113 247 5729.

Waxaa kale oo aad booqan kartaa dugsi walba oo aad xiiseyneyso oo aadna la kulmi kartaa maamulaha dugsiga, shaqaalaha iyo carruurta.

Goorta aad nala soo xiriireyso

Waxa aan rabnaa in ay dugsiyadayadu noqdaan kuwo qof walba oo adeegsanaya u ah gobo amaan iyo gobo saaxiibtinimo leh. Haddii ilmahaaga la dhibaayo (bullied), sababta waxa ay doontaba ha ahaatee, dadka marka hore aad u sheegeyso waa macallimiinta wax ka dhiga dugsiga uu ilmahaaga dhigto. Haddii aadan ku faraxsaneyn sida ay wax uga qabteen dhibaataada jirta, waa in aad la xiriirto maamulaha dugsiga (headteacher) kaas oo baaritaan ku sameyn doona waxa aad ka dacwooneyso. Haddii aadan weli tan ka dib faraxsaneyn, waa in aad la xiriirtaa Guddoomiyaha Guddiga Dugsiga (Chair of Governors of the school).

Haddii aad u baahan tahay la tallin ku saabsan sida wax looga qabto wixii dacwad ah, fadlan la xiriir Adeega Xiriirinta Macaamilka (Customer Relations service) ee hey'dada Education Leeds oo laga helo 0113 247 5688. Website-ka hey'ada waxbarashada Leeds (The Education Leeds) waa www.educationleeds.co.uk